

L'incendi da Glarus

DA JOHANN ULRICH SCHLEGEL

■ Avant 150 onns, ils 10 da matg 1861, hai dà en la citad da Glarus ina catastrofa da fieus sco quai ch'igl ha uschiglio strusch dà en il mund. Il motiv per quel grond incendi è stà intarment stemprà da favugn che ha derasà in'unda da fieus sur la chaptala ed ha mess en fieus e flomma var 500 chasas. La catastrofa è stada uschè immensa ch'ins ha vis sia glisch sur tut las chadainas da muntognas fin a Turitg, Aarau, Frauenfeld, en il chantun Giura ed en il chantun da Schaffusa e perfin fin en Germania. Ma gist uschè gronds èn sinsuenter stads l'eco e l'agid che n'en vegnids betg mo da la regiun, mabain da tut la Svizra ed era da l'exterior vischin e lontan, uschia tranter auter da la Russia, da la Persia, da la China e dal Giapun.

Co ch'igl è vegnì a la catastrofa n'ha mai pudi vegnir sclèri en detagl. Encouschent è percuter ch'igl era annun-

zià vers saira da quel venderdi, ils 10 da matg 1861, in lev vent dal sid, il favugn. Dapi dis eri stà chaud e fitg sitg. Tuttenina è il vent vegnì pli ferm. Il stemprà giaschlava dal sid vers il nord tras la vallada stretga flancada d'autas muntognas. Senza sminar insatge e confurm al duair ha la guardia dals cittadins fatg patruglia a partir da las nov da la saira. Vers las diesch ha quella udì il sbratg: «Igl arda!» In bajetg da lain en il sid da la vischnanca, en l'uschenumnada saiv al prà da tschentada, era en flommas. Perquai che l'edifizi ardeva enturn enturn, èn las flommas bainsperte sa derasadas sin ils bajetgs vischins. Malgrà ils sforsz dals pumpiers ha la tempesta chatschà la burnida chauda vers nord da chasa a chasa, da giassa a giassa. Ils corps da pumpiers che cumbattevan cunter las flommas per spendrar glieud e rauba stuevan constatar che lur atgnas chasas pli en il nord ardevan davos lur dies. En in tempo nar era sa derasà in vair inferno,

las chasas per lung dad omaduas varts da las vias stevan en flommas e las imensas chaliras chaschunavan flommunas che sa stendevan vers tschiel. Sco in ocean buglient, chatschà dal stemprà, rudlavan undas da fieus d'ina dimensiun nunspetgada sur tut ils quartiers situads en il nord da la citad. A l'ina e quindesch èn stadas airi las lantschettas da la tur-baselgia ardenta da Glarus. L'ura telegrafica en l'edifizi da la chasa da la regenza mussava las traies e sedesch, cura ch'ella è pli tard vegnida chavada ora. Fin il davos aveva il telegrafist tegnì la dira per telegrafar per agid a Turitg, Rapperswil ed Uster. Anc quella notg è arrivà in tren spezial cun pumpiers dal chantun da Son Gagl. Ils zains tutgavan fin ch'ils calusters han stùi scappar. Il fier è luà e sa derschì en la profunditat. Las emprovas da stizzar fallavan pli e pli. Ils pumpiers sezs han stùi mitschar. Las sprizzas èn arsas. Il cronist J. M. Senn ha scrit litteralmain: «Sco illuminada d'enorms fieus bengals glischava la piramida dal Glärnisch d'ina autezza da 7000 pe da giudim fin sisum. (Pli exactamain il Vorderer Glärnisch, 2327 m s. m., l'autur.) Il Käpf cun ses glatschers en il fund da la Val splendurava cotschen-fieu en la mar da flommas; sco en in uradi ardent pluschignavan las sbrinzlas e las brastgidas ch'il favugn leventava giu sin il contorn e periclitavan da metter en fieus era la vischnanca vischina da Netstal.» Uschia èsi era declarabel, pertge ch'il tarmen fieus è stà vesaivel sur tut las chadainas da muntognas fin en la Svizra Bassa ed en Germania.

Bilantscha da la catastrofa

Il fieus aveva laschà enavos mirs e foss nivs e plain sfendaglias. La tempesta aveva suflà davent era las davosas restandas da tschendra. 500 da 700 chasas, las abitaziuns da 3000 personas ed uschia – tenor la valur approximativa dad oz – var 350 milliuns francs en furma da bains mobigliars ed immobiligiars eran vegnids destruids.

Cunquai ch'igl ha ars relativamain baud la saira hai dà mo paucas unfrendas. Uschia n'è per exemplu betg in uffant daventà victima da las flommas. L'emprim han ins dumbrà traies morts, pli tard han ins chattà las baras da dus emploials da chasa. In politicher appenzellais, che aveva fatg part il di avant anc dal cumin, è vegnì per la vita



Glarus suenter il brischament.

FOTOS MAD

Occurrenzas davart l'incendi da Glarus

Dal matg fin il settember 2011 regorda in'exposiziun en la remissa sper la chasa d'art da Glarus a l'incendi dal 1861. En pli cumplettescha in'entira retscha d'ulteriuers occurrenzas commemorativas questa exposiziun:

- Ina festa publica ils 10 da matg 2011
- In di da solidaritat
- In gieu al liber cun 20 representaziuns durant l'entira stad (13 da matg–9 da settember 2011)
- Visitas guidadas spezialas tras la citad da Glarus
- La notg dal fieus – occurrenza finala ils 10 da settember 2011

Funtauna: www.glarusbrennt.ch

Barjammlung gestaltet sich folgendermaßen:		
Schweiz		Ausland
Zürich	392,114.81	
Bern	181,516.78	
Luzern	43,050.94	
Uri	10,449.30	
Schwyz	21,772.38	
Nidwalden	5,286.20	
Obwalden	5,963.80	
Glarus	520,804.64	
Zug	19,657.35	
Freiburg	23,372.11	
Solothurn	31,328.51	
Baselstadt	128,700.45	
Baselland	22,403.63	
Schaffhausen	26,268.06	
Appenzell A.-Rh.	45,218.40	
Appenzell I.-Rh.	4,243.82	
St. Gallen	145,049.21	
Graubünden	49,137.03	
Aargau	103,056.73	
Thurgau	80,266.16	
Lucern	24,641.89	
Waadt	132,782.33	
Wallis	16,776.33	
Neuenburg	72,288.05	
Genf	88,721.50	
Gibg. Freischäfchen	13,327.—	
Inland:	2,208,197.41	
		Total:
		Inland
		2,208,197.41
		Ausland
		544,293.17
		Divergi
		2,115.62
		Gesamtsumme: 2,754,606.20